

國立北平故宮博物院南京分院保存庫落成紀念冊

上海图书馆藏书



A541 212 0010 7027B

設立南京分院並建築保存庫之決議

自二十二年之初榆關告警平津震動本院處此危急之秋不得不爲保全文物之計於是呈准行政院函圖南遷自歲初至四月竭其全力擇精取要裝成萬有三千餘箱分五次運滬以天主堂街貨棧爲臨時藏貯之所舉凡故宮所藏古器圖書歷代藝術之品文獻有關之物民族文化所繫國家所應保守流傳之重要文物大都權寄於此焉

古物到滬以天主堂街貨棧全部地方不能容納又覓得四川路貨棧爲第二庫房貨棧設備自極簡單以之貯藏古物誠不免因陋就簡而上海地方人烟稠密火警時聞匪類所聚常有搶劫縱有種種防備終有不安全之憂地近黃浦江煤烟四徹書畫古物易受污損土地卑濕每值霉天潮濕更重一時權宜之計自不能維持久長是年七月理事會開會命衡暫代院務卽有建築南京分院及保管倉庫原則通過之決議二十三年四月改選理事會首次大會衡重伸前議請決定存滬文物之處理辦法經理事會議決在南京先行建築保存倉庫爲

博物院之一部分古物遷京之議由是遂定

是歲之末決將朝天宮撥給故宮設立分院建築倉庫廿四年七月乃得逐漸接收本年三月乃得開始營建今保存倉庫幸告完成故宮文物之存貯問題已得解決惟大成崇聖二殿及其兩廡爲預備陳列之所尙待經營也

選定朝天宮地址交涉之經過

故宮文物浩如淵海既定移京自不能如滬上之局促一隅只顧一時之藏貯不求將來之展覽而求其地方寬廣環境適宜可爲分院倉庫之地點者極爲不易二十三年九月第三次常務理事會議由衡提請確定倉庫地點議決由故宮博物院長商承內政教育兩部當然理事妥定地點及計劃設法進行是年十二月第四次常務理事會議又由衡提出前案催請確定當時王理事世杰建議將朝天宮全部劃歸故宮博物院爲建築南京分院及倉庫地點由大會議決呈奉行政院核准於是地點問題遂得圓滿解決矣

朝天宮全部面積共有一百三十八畝二分九厘二毫地址高廣原有建築因山作勢崇弘壯麗數里之外可以望見殿宇參差之勢按江甯府志朝天宮卽古之冶城吳時鼓鑄之所楊吳時建紫極宮宋改天慶觀元改玄妙觀又昇爲永壽宮明洪武十七年重建改名朝天宮殿後有萬歲亭凡大朝賀於此習儀卞壺墓郭文舉臺皆在側又有飛霞飛雲景陽三閣臨眺踞一城之勝清同治四年李鴻章權兩江總督於此改建府學僅成櫺星門戟門大成殿兩廡曾國藩再督江南始建崇聖殿敬一亭宮牆泮池牌坊府學頭門照壁明倫堂四齋尊經閣教授訓導二署及名宦鄉賢忠義孝悌等祠皆附於此爲南京重要古蹟千餘年來名勝之區故宮古物由滬遷京於此藏貯陳列不爲不得其所矣

二十四年七月間教育部將朝天宮撥交本院當時在朝天宮之各機關爲憲兵醫院軍事雜誌社金陵兵工廠宿舍南京市政府戒煙醫院朝天宮小學尙有民居一百一十一戶所有房屋佔住淨盡一切工事無從着手乃先後呈請行政院分別令其遷徙一面派員分往各機關切實交涉嗣後各機關住戶有請給津貼及遷移費者由本院分頭接洽憲兵醫院由羅理

事家倫及衡進行交涉允津貼遷移費五千元市府所屬之朝天宮小學及戒煙醫院由褚理事民誼王理事世杰進行交涉允津貼遷移費一萬二千元經此磋商朝天宮小學始讓出所佔房屋憲兵醫院亦先騰出養正堂之一部分交還本院當將所讓房屋即時拆除以便興工嗣後再經交涉憲兵醫院軍事雜誌社金陵兵工廠宿舍及居民所佔房屋次第接收騰出劃定倉庫地點興工建造

經費之決定

設立分院之經費問題在二十三年五月間理事會議議定於本院二十三年度概算臨時費項下增加二十萬元爲本年度建築經費但是時地點既未指定一切建築計劃經費總額無從聲敘中政會議即暫不置議是年十二月經理事會指定地點並規定經費總額爲六十萬元分列本年度及下年度各三十萬元復由本院擬具工程計劃詳細概算及估價單於二十四年四月理事會提請備案後送轉中政會議經核定爲二十萬元僅佔總額三分之一

是時本院已經理事會議定於廿四年度歲出經常費項下節省八萬元爲南京分院各種設備之用現在建築經費不敷太多不得不暫將本院節省之數加入分配由工程委員會決定以二十五萬元建築保存庫以三萬元修理辦公房屋及各種設備嗣經工程委員會議決修改原有計畫添建祕庫及至本年二月七日開標之結果僅保存庫及祕庫兩項土木工程已需三十七萬八千餘元庫門之造價人造空氣暖氣衛生工程電氣工程華蓋建築師設計費修理明倫堂等項又爲八萬五千餘元連同其他附屬工程補助遷移雜支等費共爲五十萬元之譜又經理事會決議由本院編具概算送轉中政會議二十五年度復經核准二十萬元總計已經核准之數共四十萬元及本院節省之數八萬元共爲四十八萬元云

建築工程進行之經過

朝天宮舊址中間爲崇聖殿大成殿戟門以至櫺星門東爲明倫堂尊經閣等處西爲卜公祠及卜公墓中部諸殿及明倫堂略爲完整修葺之後尙可作爲辦公陳列之用西部狹長

不能佈置惟東部明倫堂後地基高廣可以建築保管倉庫二十四年四月理事會議決建築南京分院及保管倉庫應組織工程委員會負責設計及監督工程之進行推內政部長教育部長羅理事家倫李理事濟及衡爲委員內教兩部長不能出席時各派熟悉工程之員參加會議工程委員會由衡召集凡關於建築工程之各項問題悉取決於會中

建築經費本定六十萬元曾由院中依此數目商請基泰工程司擬具工程計劃書包括保管倉庫辦公大樓修理前後二殿爲陳列室等等嗣以經費核准只二十萬元連同本院節省之八萬元亦只二十八萬元不得不改變計劃另按二十八萬元分配以二十五萬元充建築保管庫並一切倉庫設備以三萬元修理辦公房屋及設備費上年八九月間由本院會同華蓋李錦沛兩建築師前往該地實施勘測根據預算及需要條件製成初步設計草圖暨計劃說明書對於倉庫部分設計全部立體容積分由六十八萬以至九十五萬立方呎數種每立方呎按二角五分計算全部造價約由十七萬以至二十四萬元但庫內一切設備尙未計算在內修理部份因佔住各機關尙未遷出無從覈實估計嗣經與基泰奚福泉兩建築師接

洽設計復由兩家製成圖樣連同華蓋李錦沛兩家圖樣一併審查議決暫行選定華蓋建築事務所設計之草圖並議定原則將此草圖攜至北平交本院建築專門委員會詳加審查後經朱委員啓鈐汪委員申梁委員思成擬具意見書交華蓋建築師根據修改另製第二設計圖改四層爲三層較第一圖省去電梯設備雖佔地較廣造價則完全相等卽與定議完全按此計劃設計復由華蓋送來第三圖經議決採取但是時爲顧及嚴密問題決於最適當處建造秘庫以備不虞最後圖樣既經決定本年一月間遂與華蓋成立正式契約一面籌商招標事宜擬訂章程則說明等項從本年一月十五日起分在京滬招標至二月七日午後二時由審計部委派稽察安維泰蒞場監視當衆開標投標諸商在上海者爲余洪記泰來利源江裕記吳仁安潘榮記安記陸根記新亨成泰建業張裕泰等十二家在南京者爲六合新金記裕信正興隆大元等五家投標諸商除新亨以下十家總額在四十一萬元以上者不論外其餘泰來等七家經重行調查其資本信譽再就其中擇定新金記六合利源三家於本年二月十五日提出第八次常務理事會議議決以六合廠商爲合選並限令五個月完工卽於三月初間

興工起造保存倉庫土木工程逐日進展於八月初間告竣庫中設備人造空氣暖氣衛生等工程由清華公司承辦電氣工程由大華水電行承辦庫門由合中公司承辦亦於土木工程完畢之後次第交工南京分院之倉庫部分於焉落成並將明倫堂略加修繕爲庫外辦公之所至大成崇聖等殿爲陳列之用者以經費未經核定不遑兼顧謹先擬具修理計劃一俟籌有的款立即興工故宮古物在京陳列之期料應不遠也

二十五年九月二十六日馬衡

上海图书馆藏书



A541 212 0010 7027B

